



Trg pravde 10, 76100 Brčko distrikat Bosne i Hercegovine; web: jt-brckodistrikbih.pravosudje.ba; tel: 049/217-227; faks: 049/219-088; e-pošta: jtd@jtbd.ba
Trg pravde 10, 76100 Brčko distrikat Bosne i Hercegovine; web: jt-brckodistrikbih.pravosudje.ba; tel: 049/217-227; faks: 049/219-088; e-pošta: jtd@jtbd.ba

**Broj:T18 0 KT 0017694 24
Brčko, 14.06.2024. godine**

O P T U Ž N I C U

Protiv:

1. **E. M. (...)**
2. **H. D. (...)**

Što su:

E. M. sam:

Dana 11.02.2024. godine, u Brčkom, u mjestu Gornji Rahić, svjestan da oduzimanjem tuđe pokretne stvar male vrijednosti pribavlja sebi protivpravnu imovinsku korist, što je i htio, došao u dvorište porodične kuće M. B. i oduzeo dječije auto koje se nalazilo ispod stepeništa za ulaz u stambeni objekat u kojem boravi porodica B. čime je za sebe pribavio protivpravnu imovinsku korist u iznosu od oko 300,00 KM a za navedeni iznos pričinio štetu M. B.,

dakle, oduzeo tuđu pokretnu stvar male vrijednosti u namjeri pribavljanja protivpravne imovinske koristi takve vrijednosti,

E. M. i H.D. zajedno:

U toki noći 27.04.2024. godine u vremenskom periodu od 01.00 do 05.00 sati, u Brčkom, u mjestu Gornji Rahić, zajedno i po prethodnom dogovoru, svjesni da oduzimanjem tuđe pokretnine sebi pribavljaju protivpravnu imovinsku korist, što su i htjeli, došli u dvorište porodične kuće M L. te iz neobezbjedene drvene nastrešnice E. M. oduzeo skuter marke „Piaggio“ crne boje, broj šasije SSLIT0154538, dok je H. bio u neposrednoj blizini, uslijed čega je H. izašao iz dvorišta i otišao na autopraonicu, da bi E. skuter gurao pored sebe sve do autopraonice gdje se nalazio H., potom su u rezervoar motocikla sipali gorivo kako bi ga E. mogao upaliti i uputiti se prema Brčkom, nakon čega su ponovno na putu prema Brčko popravljali skuter te su ga zakačili za putničko motorno vozilo marke „Mercedes“ vlasništvo H. te se tako uputili prema Brčkom do kuće na Ivicima u kojoj boravi H. da bi skuter reparirali i vratile u funkciju, nakon čega je E. M. oduzetih skuter prodao E. B. na Previlama u Srebreniku za iznos od 200,00 KM, čime su za sebe pribavili protivpravnu imovinsku korist u iznosu od 200,00 KM a za navedeni iznos pričinili štetu vlasniku skutera M.L.

dakle, oduzeli tuđu pokretnu stvar s ciljem pribavljanja protivpravne imovinske koristi,

čime je **E M** pod tačkom 1. i 2. počinio produženo krivično djelo Krađa iz člana 280. stav (1) u vezi sa članom 55. i 31. Krivičnog zakona Brčko distrikta BiH, **H. D.** pod tačkom 2 počinio krivično djelo Krađa iz člana 280. stav (1) Krivičnog zakona Brčko distrikta BiH u vezi sa članom 31. istog zakona.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.